

# 1. UVOD

## 1.1 Predmet istraživanja

Svakodnevno se susrećemo sa pojmom "Centralna banka" a definiše se kao " Banka nad bankama". Centralna banka spada u najznačajnije finansijske institucije. Ona nije običan učesnik na finansijskim tržištima, već ima i regulativnu funkciju. Njena uloga je značajna na svim segmentima finansijskih tržišta, a naročito na segmentu tržišta novca, gdje određuje nivo novčane mase i visinu kratkoročnih kamatnih stopa. Značajna uloga Centralne banke je u zaštiti ostalih učesnika na finansijskim tržištima. U istraživanju funkcija Centralne banke korišću naučnu literaturu i dostupnu literaturu sa interneta.

## 1.2 Svrha i cilj istraživanja

Cilj ovog diplomskog rada je da na jedan što adekvatniji način objasnimo uslove nastanka Centralne banke BiH i njene funkcije. Važan dio svake ekonomske politike jeste monetarna politika koja putem monetarnih instrumenata ima za cilj da postigne stabilnost cijena, stabilnost kursa domaće valute, opštu privrednu stabilnost i regulaciju količine novca u opticaju. Naravno, uspjeh monetarne politike i postizanje finansijske stabilnosti uveliko ovisi o sinergiji monetarne politike sa ostalim sektorima ekonomije, posebno sa fiskalnim sektorom. Cilj Centralne banke Bosne i Hercegovine je dostizanje i održavanje stabilnosti domaće valute, tako što izdaje domaću valutu u skladu sa pravilima valutnog odbora.

## 1.3 Hipoteza

H1: Monetarna politika treba da vodi računa o cjenovnoj stabilnosti, a istovremeno svojim instrumentima treba da podržava i druge ciljeve, kao što su zaposlenost i ekonomski rast.

## 1.4 Metodologija i struktura rada

Metodološki rad se oslanja na teorijsku i istraživačku osnovu. Teoretska podloga za rad su osnovni pojmovi, definicije i teorijski aspekti koji su dostupni u već objavljenj literaturi i na Internetu.

Tokom istraživanja korištene su u kombinaciji osnovne (analitičke i sintetičke), opštenaučne (induktivne, deduktivne, hipotetičke i empirijske) i posebne metoda (ekonomske analize).

Strukturu rada čine četiri dijela.

- (I) dio rada se odnosi na Centralnu banku i njene funkcije
- (II) dio rada obrađuje Mjesto i uloga Centralne banke u bankarskom sistemu BiH
- (III) dio rada analizira Funkciju Centralne banke BiH u monetarnoj politici
- (IV) dio rada se odnosi na Monetarnu politiku Centralne banke BiH i EU

Završetak rada čine zaključak, popis literature, popis važnih pojmova, popis slika i grafikona.